

Nos Roadmarch y Calypso King Claudius Philips a bira malo durante parada grandi na Playa



ORANJESTAD - Durante parada di playa Claudius Philips y Oreo tabata pone hopi ambiente pa OPC Carnival Group. Claudius tabata cana saludando y saca potret cu su fans cu tabata hale na banda, of bula baricada bini cerca dje pa saca potret. Den esey Claudius tambe tabata cumpli cu su sponsornan pa parti Crunch Chocolate. Pero ya pa banda di talk of the town por a nota cu ya e tabata basta cansa, pero e fansnan no tabata permitie tuma un descanso, y na cierto momento despues di e brug ya Claudius no por a sigui mas y e la tuma un break forsa pa motibo cu ya no por a wanta mas y la cuminsa sinti hopi malo. E la bay na e truck keda cana banda di e truck pa e por descansa un tiki y tuma un break. Pero asina tog e publico tabata purba di yega cerca di dje, pero e securitynan tabata para tur hende di yega cerca di dje pa e por haya aire fresco.

Durante esey hopi tabata esnan cu no tabata sa kico tabata pasando y ta purba saca potret di dje, y e securitynan a pidi tur esnan cu ta purba di saca potret pa no saca potret of filma. Y no a dura hopi cu ora a yega final di e parada ya Claudius no por a cana mas, security mester a carga Claudius pone den un auto di polis pa hibe hospital. Y na hospital e la wordo trata. Na e momentonan aki Claudius ta na cas den un estado di recuperacion.

Locual nos ta pidi na tur su fans pa bay na Claudius Phillips su website cu ta claudiusyoreo.com y click riba Get Well Soon pa mande mensahenan y deseonan pa cu su recuperacion.

Tambe por mira tur e potretnan di e paradan di carnival 2009 cu OPC, e video exclusivo di e Calypso and Roadmarch y su coronacion riba online pay per view.

